

SOALAN NO. 468**PEMBERITAHUAN PERTANYAAN BAGI JAWAPAN BUKAN LISAN****MESYUARAT KEDUA, DEWAN RAKYAT****PENGGAL KELIMA, PARLIMEN KETIGA BELAS****MAJLIS MESYUARAT DEWAN RAKYAT**

PERTANYAAN : JAWAB BUKAN LISAN

DARIPADA : TUAN IDRIS BIN HAJI AHMAD

[BUKIT GANTANG]

TARIKH : 24 JULAI 2017 (ISNIN)

SOALAN :

Tuan Idris bin Haji Ahmad [Bukit Gantang] minta **MENTERI PEMBANGUNAN WANITA, KELUARGA DAN MASYARAKAT** menyatakan berapa bilangan kes penderaan seks dalam kalangan kanak-kanak sejak 2010 hingga 2016 mengikut kategori bangsa di negara ini.

JAWAPAN: YB DATO' SRI ROHANI ABDUL KARIM, MENTERI PEMBANGUNAN WANITA, KELUARGA DAN MASYARAKAT

Tuan Yang Dipertua,

Kementerian Pembangunan Wanita, Keluarga dan Masyarakat (KPWKM) amat prihatin dan memandang serius akan kes penderaan ke atas kanak-kanak yang merupakan aset penting yang bakal mencorakkan masa hadapan negara.

Berdasarkan rekod PDRM pada tahun 2015 sehingga Jun 2017 bilangan kes penderaan seksual terhadap kanak-kanak mengikut kategori ro gol termasuk sumbang mahram adalah sebanyak 4,966 kes dengan bangsa Melayu mencatat bilangan kes sebanyak 3,482 kes dan diikuti oleh Bumiputra Sabah dan Sarawak sebanyak 774 kes, Cina 39 kes, India 31 kes dan lain-lain bangsa 28 kes.

Manakala bagi kategori kesalahan luar tabii bilangan kes daripada tahun 2015 hingga Jun 2017 adalah sebanyak 819 kes dengan bangsa Melayu mencatatkan bilangan kes sebanyak 602 kes, diikuti Cina 76

kes; India 56 kes, pribumi Sabah dan Sarawak 44 kes dan lain-lain bangsa 14 kes.

Bagi bilangan kes penderaan seksual yang melibatkan kategori cabul kehormatan bagi tahun 2015 hingga Jun 2017 adalah sebanyak 3,869 kes dengan bangsa Melayu adalah sebanyak 2,604 kes; diikuti oleh bangsa Cina 495 kes, lain-lain bangsa 532 kes dan India 238 kes.

PEMBERITAHUAN PERTANYAAN DEWAN RAKYAT

PERTANYAAN : LISAN

DARIPADA : TUAN IDRIS BIN HAJI AHMAD

SOALAN : NO. 469

Tuan Idris Bin Haji Ahmad [Bukit Gantang] minta **MENTERI PENDIDIKAN TINGGI** menyatakan berapakah bilangan Institut Pengajian Tinggi Swasta (IPTS) yang telah ditarik balik lesen operasi sehingga 2016 serta sebab penarikan lesen.

JAWAPAN

Tuan Yang di-Pertua,

Untuk makluman Ahli Yang Berhormat, semua institusi pendidikan tinggi swasta (IPTS) yang beroperasi di Malaysia adalah tertakluk di bawah Akta Institusi Pendidikan Tinggi Swasta 1996 (Akta 555) yang melibatkan permohonan penubuhan, pendaftaran, pengurusan institusi, pengendalian kursus, permit mengajar, penutupan dan lain-lain yang berkaitan.

Berdasarkan rekod, dari tahun 2010 hingga 2016, sebanyak 17 buah IPTS telah dibatalkan pendaftaran oleh Kementerian Pendidikan Tinggi (KPT) dan antara sebab yang dikenal pasti adalah seperti berikut:

- (a) IPTS tidak berkemampuan untuk meneruskan operasi sebagai penyedia perkhidmatan pendidikan;
- (b) tahap pendidikan IPTS tidak dapat dibekalkan dengan sewajarnya dan tindakan di ambil demi kepentingan pelajar dan orang awam; dan

- (c) pelanggaran syarat yang dikenakan oleh Ketua Pendaftar (perakuan pendaftaran dan kursus pengajian telah tamat tempoh sah laku, tiada pelajar, tiada premis/premis tidak beroperasi).

RT33/470

JAWAPAN SOALAN PERSIDANGAN DEWAN RAKYAT

**PERTANYAAN BERTULIS : TUAN IDRIS BIN HAJI AHMAD
DARIPADA [BUKIT GANTANG]**

JAWAPAN OLEH Y.B. MENTERI PENDIDIKAN MALAYSIA

PERTANYAAN BERTULIS

Tuan Idris Bin Haji Ahmad [Bukit Gantang] minta **MENTERI PENDIDIKAN** menyatakan statistik kes buli di sekolah-sekolah sehingga Mei 2017 menurut pecahan Sekolah Kebangsaan, sekolah Jenis Kebangsaan dan Sekolah Menengah Kebangsaan Agama (SMKA) di negara ini.

JAWAPAN

Untuk makluman Ahli Yang Berhormat,

Jumlah kes buli yang berlaku di sekolah Kementerian Pendidikan Malaysia dari Januari hingga Mei 2017 mengikut kategori sekolah ialah 105 kes di sekolah kebangsaan, 40 kes di sekolah jenis kebangsaan Cina, 4 kes di sekolah jenis kebangsaan Tamil, 742 kes di sekolah menengah kebangsaan dan sekolah aliran agama sebanyak 43 kes.